

之空論也。

丁卯夏一生熟誦小學。頑甚有感。作一絕云。口誦。何曾一服膺。
躬行。却是魯齋醇。那知蕩檢踰閑者。偏是理頭小學人。自宋
以後。儒者惟魯齋躬行小學。亦惟魯齋不能躬行小學。此知
人論世之所以難也。

易變易也。隨時變易以從道也。易即是道為用易者言。則曰從
道。若只講趨吉避凶。則是隨時變易以違道也。幼時曾問卜
先生。人木曰。素夷狄行乎夷狄。即被髮左衽之謂乎。先生曰。
然。但下句得字當改。失耳。可謂要言不煩。

讀朱子年譜偶記 戊辰

大明洪武二十七年。此書始謀鋟板。可見終元之世未嘗刻也。
豈朱子在天之靈。不欲辱於魯齋吳澄等手耶。

像後吳澄贊當刪。澄自知為再醮婦。唯恐後人公議。故意遵程
朱。思附西廡耳。

跌坐高拱。跌坐疑本之佛氏。先生恐未然。

謂周官遍布周密。周公運用天理爛熟之書。爛熟二字。非朱子
文理。密察見不到。

延半年先生教。在分殊上用功。此語極有功於朱子。一生文理
密察得力在此。

人言魯齋宗程朱為元儒之冠。請問魯齋讀朱子奏疏。國家之
讀朱子年譜偶記

於北虜不共戴天處作何解說將謂金虜而非元虜耶夫夷
猾夏無論為金為元總是不共戴天魯齋乃陳王道于忽必
烈若唯恐宋之不早亡而助夷以滅夏獨謂之宗程朱可乎
封事說虞允文為相獻義餘入內帑自來廿餘年認為私貯典
以私入日消月耗奉燕私之費不知幾何曷嘗聞其能用此
錢易胡人之首如太祖皇帝之言哉此段慷慨流涕至今令
我三復扼腕也

朱子封事三代以下古今第一平實精微明白愷切與孔子對
袞公問政章森看理學王道兼而有之生不逢時一言不用
蓋天知南渡之後必為胡元特生一發明四書五經之亞聖
以維持道統於不墜固不在一時之顯晦也前人云天不生
仲尼萬古如長夜吾以為生仲尼而不生朱子則長夜之中
并無日月而旭日將終古不出矣

長子卒為服斬衰古禮予所見唯海昌范北溟先生行之
癸丑冬虜問朱先生安在蓋虜亦有識者唯恐先生之見用
無以遂其猾夏之謀耳乃僅除安撫以塞其望悲哉

慶元二年欲上封事子弟諸生更進迭諫蔡元定曰請決之著
遇避之同人乃焚稿此時朝廷事已無可為先生豈不知賈
禍之無益於國家必待決之著而後止哉蓋忠君愛國之誠
有明知不可無不下藥之理而利害有所不計禍患有所不
避者此即平時正心誠意之用居敬窮理之功見之明而守
之固可以有自信而無疑者也決之著而號歎翁豈先生之